



ЈА

STUDENT

Univerziteta Sinergija



1

Dobrodošli

2

Vaši profesori

3

Akademski život

4

Student u centru učenja

5

E-student

6

Internet stranica Univerziteta

7

Studijski programi

8

Sertifikati

9

Praksa

10

Planirajte svoju budućnost

11

Gostujuća predavanja

12

Nagrade za studente

13

Studentski parlament

14

Alumni

15

Vodič kroz administraciju



Raje Baničića bb, 76 300 Bijeljina, BiH +387 55 217 100, 217 101
univerzitet@sinergija.edu.ba , www.sinergija.edu.ba



Dobrodošli!

*Donijeli ste važnu odluku, postali ste studenti Univerziteta Sinergija.
To je odluka o daljem obrazovanju, koja će uticati na vaš budući profesionalni život,
na planove koje imate.*

Univerzitetska diploma je značajna za početak vaše karijere. Ona svjedoči odakle dolazite, od koga ste učili, koliko ste mogli da naučite i da li ste spremni za sljedeći izazov – zapošljavanje. Diploma govori o vama, ali i o nama koji treba da vam prenesemo potrebna znanja za budućnost. Mi na Univerzitetu Sinergija svojesni smo da snosimo dio odgovornosti za vašu budućnost.

Cilj nam je da na našem Univerzitetu steknete obrazovanje i praktične vještine koje će vam omogućiti da pravite i ostvarujete velike planove. Zato svakodnevno, sa svojim kolegama profesorima iz zemlje i svijeta, radimo na tome da po završetku studija u rukama držite diplomu na koju ste ponosni i koju cijene svi koji su dio vaših planova za budućnost.



Na fakultetu dajte sve od sebe, to je jedna od najboljih investicija za budućnost!

- Sara Rei

Vaši profesori

Na fakultetima Univerziteta Sinergija izvodi se I ciklus akademskih četvorogodišnjih i trogodišnjih studija, kao i II ciklus jednogodišnjih, odnosno dvogodišnjih studija – master studije i trogodišnje doktorske studije.

Nastavni planovi i programi usklađeni su sa principima Bolonjske deklaracije uvođenjem evropskog sistema prenosa bodova (ECTS - European Credit Transfer System), savremenog načina organizovanja nastave i sistema evaluacije rada predavača. Studijski programi su prilagođeni potrebama poslovnog okruženja, a nastavu izvodi preko 100 uglednih profesora iz zemlje i inostranstva.

Univerzitet ima uspješnu saradnju sa brojnim visokoškolskim institucijama u zemlji i inostranstvu, kao i partnerstvo sa vodećim predstavnicima poslovnog svijeta Republike Srpske i Bosne i Hercegovine.




Rektor prof. dr Milovan Stanišić

Fakultet za poslovnu ekonomiju



prof. dr Slobodan Barać
sbarac@sinergija.edu.ba

Fakultet za računarstvo i informatiku



prof. dr Dušan Regodić
dregodic@sinergija.edu.ba

Pravni fakultet



prof.dr Mitar Kokolj
mkokolj@sinergija.edu.ba

Filološki fakultet



prof. dr Milenko Stanić
mstanic@sinergija.edu.ba

Akademski život

- Akademsko ponašanje -

Ono što je važno da znate, kada krenete na fakultet jeste da na samom fakultetu postoji određeni Kodeks ponašanja ili akademski bonton koji svi zaposleni i svi studenti treba da poštuju.

Kodeks ima za cilj da se ponašanje studenata, nastavnika, saradnika i cjelokupnog osoblja usmjeri tako da se njeguje atmosfera profesionalne i kulturne komunikacije, da se stalno podiže nivo kulture rada i kulture življenja, kao i da se izbjegnu i eliminišu ponašanja koja nisu prihvatljiva za jednog akademskog građanina.



Za uspjeh treba da uradite samo nekoliko dobrih stvari u životu, ali i da izbjegnute da uradite previše loših stvari.

- Voren Bafet

Prava studenta

- Svi studenti imaju jednaka prava bez obzira na rasu, pol, nacionalnost, vjeru, politička i druga uvjerenja, socijalni status i ostale razlike;
- Studenti imaju pravo na savjetnika, kako po pitanju nastavnih procesa, tako i po pitanju administrativnih radnji;
- Studenti imaju pravo na korektan odnos cjelokupnog osoblja u nastavnom i administrativnom procesu, kao i pravo žalbe u slučaju kršenja tog prava;
- Imaju pravo da pohađaju predavanja, vježbe, seminare i sve ostale oblike obrazovnog procesa;
- Učestvovanje u naučno-istraživačkom i stručnom radu;
- Putem svojih predstavnika u organima Univerziteta i drugim odborima, davanje mišljenja o pitanjima koja se odnose na prava i obaveze studenata;
- Imaju prava na konsultacije i pravo da traže savjetnika iz redova nastavnika ili saradnika za pomoć ili savjet u savladavanju gradiva, savjete za izbor programa ili predmeta;
- Imaju pravo da uloze žalbu nadležnom tijelu na odluku ili postupak kojim su nezadovoljni;
- Učestvovanje u dopunskim aktivnostima: kulturnim, stručnim i sportskim, kako na internim, tako i na međuuniverzitetskim i međudržavnim susretima studenata.

Dužnosti studenta

- Da svojim sopstvenim primjerom čuva ugled i dostojanstvo fakulteta, studenata, nastavnika, saradnika i osoblja;
- Da prisustvuje predavanjima, vježbama, seminarima i svim ostalim oblicima procesa obrazovanja;
- Da se prema nastavnicima, saradnicima, osoblju i svojim kolegama studentima odnosi i ponaša u skladu s normama poštenja i humanosti;
- Da poštuje pravila ponašanja u kabinetima, laboratorijama i informatičkim učionicama;
- Da čuva imovinu i prostor oko svog fakulteta;
- Da djeluje i prenosi moralne i akademske vrijednosti u svom okruženju.

Neprihvatljivo ponašanje

- Kašnjenje ili napuštanje bilo kog oblika nastave ili neispunjavanje drugih nastavnih obaveza;
- Ometanje bilo kog oblika nastave;
- Upotreba nedozvoljenih pomagala ili radnji na ispitima ili ostalim provjerama znanja, kao što su knjiga, sveska, bilješke, cedulje, mobilni telefon kao i druge vrste elektronskih naprava i sl.
- Bilo koji rad u timu koji je suprotan usvojenim načelima i normama timskog rada.

Posebno neprihvatljivo ponašanje

- Nepristojan i nekorektan odnos prema nastavnicima i ostalom osoblju fakulteta ili kolegama studentima;
- Nezakonito korišćenje dokumenata vezanih za studiranje i ostvarivanje studentskih prava;
- Prikazivanje tuđeg rada kao svog;
- Lažno predstavljanje i prisustvovanje provjeri znanja u ime druge osobe;
- Nedozvoljeni pristup računarima fakulteta;
- Nepriстойno, nedolično i "provokativno" oblačenje na fakultetu;
- Prouzrokovanje materijalne štete na imovini fakulteta;
- Postupci kojima se namjerno ili iz krajnje nepažnje zagađuje prostor fakulteta;
- Izazivanje bilo koje vrste nereda ili učestvovanja u tome u prostorijama fakulteta ili u bilo kom prostoru koji se koristi u procesu obrazovanja;
- Dolazak na bilo koji od oblika nastave pod dejstvom alkohola ili opojnih droga;
- I sva ostala djela koja su u suprotnosti s moralnim normama prihvaćenim u društvu.

Akademski život

- Rječnik akademskih izraza -

Na sljedećoj strani pogledajte neke od najčešće korištenih izraza na Univerzitetu, kao i njihovo značenje.



KOLOKVIJUM

Vrsta provjere znanja pred ispit. Materija je podijeljena na tri dijela gdje se prvi dio materije polaže kroz prvi kolokvijum na kome se može osvojiti do 30 poena, drugi dio materije na drugom kolokvijumu, takođe do 30 poena. Student koji nije ostvario poene kroz polaganje kolokvijuma i na drugim aktivnostima, može polagati ispit u cjelosti.

ISPIT

Ispit se polaže usmeno i/ili pismeno, odnosno praktično. Redovni ispitni rokovi su: januarsko-februarski, junsko-julski i septembarski. Ispunjavanjem predispitnih obaveza i polaganjem ispita student može ostvariti 100 poena, pri čemu predispitne obaveze učestvuju sa najmanje 30, a najviše 70 poena.

PRIJAVA ISPITA

Student prijavljuje ispit elektronskim putem preko E-studenta na web adresi estudent.sinergija.edu.ba. Student dobija jedinstveno korisničko ime i lozinku u Studentskoj službi, na početku prve godine studija.

OCJENE

Ocjena na ispitu se formira sabiranjem poena koje student ostvari u toku godine. Uspjeh studenta na ispitu izražava se ocjenom od 5 (nije položio) do 10 (odličan-izuzetan). Konačna ocjena na ispitu zasnovana je na ukupnom broju poena koje je student stekao ispunjavanjem predispitnih obaveza i polaganjem ispita, a prema kvalitetu stečenih znanja i vještina, i sadrži maksimalno 100 poena.

USLOV

Minimalni broj ispita koje je neophodno da položite da biste upisali sljedeću godinu. Ostale možete prenijeti.

SEMINARSKI RAD

Seminarski rad je predispitna obaveza i ulazi u ocjenu ukoliko se preda do kraja izvođenja nastave u semestru u kom se nastava izvodi, a za dvosemestralne predmete do kraja predavanja u drugom semestru. Pristupstvo studenta na predavanjima, aktivnosti na času, seminarski radovi i domaći zadaci mogu se ocijeniti zbirno do 10 poena.

OBAVEZNI I IZBORNI PREDMETI

U svakom studijskom programu određeni su obavezni programi, koje student mora savladati tokom studija. Pored toga, naročito na višim godinama studija, svaki studijski program predviđa i izborne predmete koje će student izabrati u zavisnosti od sopstvenih interesovanja.

VJEŽBE

Održavaju ih uglavnom asistenti. Nakon predavanja gradivo se utvrđuje i upotpunjuje na vježbama. Uglavnom su obavezne.

DODATAK DIPLOMI (*Diploma Supplement*)

Po završetku studija studenti, pored diplome, dobijaju i zvaničan dokument koji se zove Dodatak diplomi. U njemu su navedeni detalji studijskog programa, postignute ocjene, broj ECTS za svaki predmet, a mogu biti navedena i imena profesora, kao i vannastavne aktivnosti studenta tokom studija: članstvo u studentskim organizacijama, sportske i kulturne aktivnosti, pohađanje kurseva i seminara, studentske prakse i dr. Dodatak diplomi je veoma važan dokument s aspekta mobilnosti studenata, kao i prilikom budućeg zapošljavanja, jer pored zvanja navedenog u diplomi, daje i pregled sadržaja savladanog studijskog programa, kao i vannastavne aktivnosti u kojima je student učestvovao.

Student u centru učenja

Univerzitet Sinergija jeste jedna od prvih visokoškolskih ustanova u našoj zemlji, u kojoj je usvojen i u kojoj se razvija sistem „Student u centru učenja“. Ovakav sistem podrazumijeva pristup u kojem studenti kroz aktivno učenje usvajaju znanja i vještine, koje su im potrebne za buduće poslovne izazove.

Učenje na taj način znači razumijevanje i odnosi se na otkrivanje smisla, povezivanje sa ranije stečenim znanjima i povezivanje sa praksom u realnom poslovnom okruženju.



*Najbolji način da stvorite
uspješnu i srećnu budućnost
je da je sami kreirate.*

- Piter Draker

Šta ovo za mene znači?

- Studiranje na Univerzitetu Sinergija uključuje, pored klasičnog učenja i inovativne metode podučavanja sa ciljem da se kroz komunikaciju sa profesorima i drugim studentima promovišu znanja, vještine i kompetencije potrebne za buduću uspješnu karijeru.
- Kao studenti Univerziteta vi učestvujete u neprekidnom procesu edukacije u kojem nastavnici stalno preispituju svoje sisteme nastave i učenja.
- Ne postoji univerzalno rješenje za sve, pošto se polazi od toga da se svi predavači razlikuju kao i svi studenti, važno je da pronađete svoj način učenja i da sa profesorima pričate o tome u kojoj mjeri su na predavanjima realizovani ishodi učenja.
- Pošto studenti imaju različite stilove učenja sagledajte koji vama stilovi najviše odgovaraju i zajedno sa nastavnicima učestvujte u tome da gradivo razumijete i da ga usvojite na vrijeme.
- Ukoliko ste zainteresovani za kulturne aktivnosti, sport ili drugi rad javite se Studentskom parlametu.
- Ukoliko imate djecu javite se svojim nastavnicima u slučaju da niste u mogućnosti da prisustvujete predavanjima, a da bi savladali gradivo kako je predviđeno planom i programom.
- Ukoliko ste suočeni sa psihološkim problemima, bolestima i fizičkim ograničenjima, o tome se, takođe, vodi računa, samo je važno da razgovarate sa nastavnicima o tome.
- Pošto je izbor centralna tačka efikasnog učenja na Univerzitetu Sinergija važno je da već na početku napravite svoje izbore smjera, izbornih predmeta, učešća u studentskim organizacijama, učestvovanje u studentskim timovima itd.
- Studenti treba da preuzmu kontrolu nad svojim učenjem i da budu aktivni partneri u procesu nastave, pa je važno da se uključite u osmišljavanje kurseva, programa nastave i razvoj istih.
- Učenje na Univerzitetu Sinergija znači "Dati mogućnost", a ne "Ispričati", zato je važno da prije svega sagledate, a zatim i iskoristite sve mogućnosti.

Savjeti:

- Konsultacije nastavnika su jednom nedeljno i uvijek u isto vrijeme.
- Nastavnici imaju svoje e-mail adrese putem kojih možete postaviti sva pitanja i dati sve komentare, prijedloge i sugestije.
- Ukoliko niste savladali gradivo jer niste prisustvovali predavanjima, važno je da redovno dolazite na konsultacije i dodatnu pripremnu nastavu.

Važno je da:

- Prisustvujete predavanjima i da pažljivo pratite kako gradivo tako i primjere iz prakse iz predmetne materije.

- Da sagledate različite pravce u kojima se može razvijati vaša karijera po završetku studija.
- Da budete svjesni važnosti onoga što učite i da već na samom predavanju pitate gdje ćete to moći da primijenite.
- Imate mogućnost da učite od profesora koji su svoje iskustvo stekli u praksi, zbog toga pažljivo pratite kako je to što učite povezano sa konkretnom situacijom.
- Prisustvujete svim gostujućim predavanjima jer tu možete da dobijete savjete koji mogu da vam pomognu u razvoju vaše buduće karijere.
- Na Univerzitetu Sinergija je pored znanja naglasak i na vještinama i kompetencijama. U tom kontekstu važno je da i sami postanete svjesni koje su to vještine i gdje su primjenjive.



E-student

E-student je nezavisna internet stranica, koja studentima pruža sve nove sadržaje vezane za studentske usluge na jednom mjestu.

Sa E-studentom je povezan fakultetski informacijski sustav, tako da studenti imaju brojne mogućnosti, kao što su:

- elektronska prijava ispita
- praćenje evidentiranih uplata za školarinu
- evaluacija nastavnog kadra i uslova studiranja
 - odabir izbornih predmeta
- direktan pristup studentskoj elektronskoj pošti
 - pregled rezultata predispitnih aktivnosti
 - pregled rezultata ispita

Važno je da istražite sve mogućnosti E-studenta, a u slučaju da vam treba dodatno objašnjenje oko pojedinih funkcionalnosti obratite se Studentskoj službi.

Почетна

WebMail

Стара обавештења

Испитни рокови

Пријава испита

Испити

Активности

Спискови

Распоред часова

Промена групе

Бирање предмета

Анкета

Моји предмети

Обавезе

Уписи

Школарина и уплате

Избор профила

Администрација

Датотеке

Live сервиси

Крај рада

Испит је могуће пријавити најкасније 2 дана прије испита. Водите рачуна о томе да је банкама и поштама потребно од 1 до неколико дана да пренесу Ваше уплате и из тог разлога, новац за испите треба уплатити 5 дана прије одржавања испита.

Сваки проблем који се појави при пријави испита (новац није легао на рачун, жељени испит недостаје на листи, додијељен погрешан професор и сл.) мора бити пријављен прије истека рока за пријаву (2 дана прије испита) и то:

- на број телефона 055/217-100; 217-101

- путем електронске поште mmaric@sinergija.edu.ba или

- лично у Студентској служби.



Internet stranica Univerziteta

Studentima Univerziteta Sinergija na raspolaganju su brojni internet servisi koji olakšavaju pronalaženje korisnih informacija i obavještenja.

Sve informacije u vezi sa vašim studijama možete pronaći na glavnom univerzitetskom sajtu. Informacije su uvijek aktuelne i ažurne.

www.sinergija.edu.ba



*Nije ništa tako teško, ako ga
razložite na male poslove.*

- Henri Ford

Singipedia SINGIPEDIA Naučno-istraživački portal

Univerzitet Sinergija ima omogućen pristup i naučno-istraživačkom portalu Singipedia koji je posvećen naučno-istraživačkom radu, u kome su svi naučni radovi i ostali materijali javno dostupni, pa je na taj način studentima olakšan naučno - istraživački rad, priprema ispita, seminarskih radova i sl.

www.singipedia.com

Stranice predmeta

Na stranicama predmeta date su korisne informacije u vezi svakog predmeta pojedinačno i moguće je preuzeti materijale za svaki od njih. Stranice predmeta prilagođene su studentskim potrebama pa su i materijali na njima podijeljeni prema planu i programu (materijali za prvi i drugi kolokvijum i materijali za završni ispit).

Pored toga, na njima možete pronaći osnovne informacije o predmetu, oblasti izučavanja predmeta, termine konsultacija profesora i asistenta, kao i sve potrebne materijale za pripremanje kolokvijuma i ispita.

predmet.sinergija.edu.ba



Sinergija mail

- Svi studenti Univerziteta Sinergija mogu otvoriti besplatnu @sinergija.ba mail adresu koja uključuje sanduče od 10GB on-line prostora. Pored samog mail-a studenti mogu koristiti ovaj prostor za zajedničku kolaboraciju na seminarskim i stručnim radovima.
- Mail adrese su povezane sa Microsoft Windows Live ID servisima koji su realizovani u saradnji sa korporacijom Microsoft. Povezanošću ovih servisa omogućen je besplatan, brz i lak pristup dodatnim uslugama kao što su Skydrive i Dream spark sistem za daljinsko učenje.
- Sve informacije o mailu možete pronaći na sajtu www.sinergija.edu.ba



moj.nalog@sinergija.ba

Studijski programi

*Na Univerzitetu Sinergija odluku o izboru
studijskog programa studenti donose
na kraju druge godine.*

*Istraživanja pokazuju da što ranije donesete odluku o
tome koju ćete izbornu opciju pratiti, imate više šanse
za uspjeh, ne samo na fakultetu, nego i u životu.*



Fakultet za poslovnu ekonomiju

- Finansije i bankarstvo
- Računovodstvo i revizija
- Marketing i trgovina

Pravni fakultet

Fakultet za računarstvo i informatiku

- Računarstvo i informatika
- Poslovna informatika

Filološki fakultet

- Anglistika

Evo samo nekih mogućnosti zapošljavanja kada završite ovaj studijski program na Univerzitetu Sinergija:

banke, brokersko-dilerska društva, međunarodne finansijske institucije, konsalting firme, marketinške agencije, marketinške službe u preduzećima, marketing menadžer, marketing istraživač, komercijalista, osiguravajuće kompanije, istraživačke agencije i odjeljenja u kompanijama, knjigovodstvene agencije, srednje škole, državna i lokalna uprava, informacioni centri i drugo.

Naš cilj je da studenti steknu znanja i vještine potrebne za rad u institucijama koje se bave pravom, organi državne i lokalne uprave, sudovi, tužilaštva, privredna društva. Diplomirani studenti imaju brojne mogućnosti u pogledu zapošljavanja i u oblastima kao što su: trgovina, saobraćaj, bankarstvo, osiguravajuće kompanije, i druga preduzeća i organizacije.

Postoji sve više zanimanja koja su u vezi sa informacionim tehnologijama (IT poslovi): od menadžmenta IT projekata, do IT menadžera u kompanijama, bankama, pa čak i u istraživačkim timovima. Kao diplomirani informatičar možete se baviti razvojem modula elektronskog poslovanja, biti sistem analitičar ili sistem integrator, programer osnovnih aplikacija, kao i administrator računarskih mreža, baza podataka, ERP konsultant.

Sticanjem opštih i specifičnih kompetencija studenti su osposobljeni da obavljaju sljedeće profesionalne djelatnosti: nastavnici engleskog jezika u osnovnim, srednjim, stručnim školama i gimnazijama, prevodioci za engleski jezik, i druge djelatnosti koje zahtjevaju temeljno poznavanje anglistike.

Sertifikati

Najveći broj poslova zahtjeva na radnom mjestu obuku. Vi, kao studenti Univerziteta Sinergija, imate mogućnost da još za vrijeme studija steknete dodatna znanja i iskustva koja će vam pomoći da se brže i lakše zaposlite.

Na sajtu Univerziteta Sinergija, pod opcijom Sertifikati, pročitajte više o svakom od njih i ne propustite priliku da steknete primjenjiva znanja i vještine, dobijete sertifikate koje možete koristiti na različitim poslovima.

Obuka se vrši u saradnji sa Univerzitetom Singidunum iz Beograda.





je program za kompletno praćenje rada kompanije i rasprostranjen je sirom svijeta.



akademija studentima nudi mogućnost dobijanja sertifikata

iz kontrole kvaliteta po svjetskim standardima.



sistem služi za pružanje usluga u oblasti turizma, a nakon položenog ispita, studenti dobijaju sertifikat Booking File 1.



je međunarodno priznata diploma koja dokazuje da je osoba osposobljena za poslovno korišćenje računara.



akademija pruža mogućnost studentima da rade sa bazama podataka Oracle sistema, koriste aplikativni softver i razvojno okruženje, kao i da dobiju svjetski priznat sertifikat.



Studentima je omogućeno da dobiju sertifikate kao i pristup IBM portalu, stručnim magazinima, IBM softverskim proizvodima.



omogućava studentima korišćenje platformi i server kompanije Microsoft, kao i njihovih razvojnih alata.



Univerzitet Singidunum je formirao lokalnu Cisco mrežnu akademiju koja je u skladu sa globalnim standardima Cisco Networking Academy programa.



Studenti stiču sertifikate iz oblasti modelovanja poslovnih procesa i baza podataka čime im je olakšano napredovanje u karijeri.



Omogućeno vam je da nakon završene obuke i uspješno položenog testa dobijete sertifikat Singidunum – Micros Fidelio.



Studenti imaju mogućnost obuke na ovom sistemu i dobijaju sertifikat „Amadeus Functionality” koji je priznat u svijetu.



studentima omogućava polaganje različitih nivoa međunarodno priznatih kurseva engleskog jezika



je međunarodni sertifikat italijanskog jezika.



Diploma de Espanol como Lengua Extranjera su zvanične diplome kojima se priznaje stepen kompetencije i vladanja španskim jezikom, a u saradnji sa Univerzitetom Singidunum izdaje ga Institut Servantes u ime Ministarstva obrazovanja i nauke Kraljevine Španije.



Praksa

Stekni iskustvo, idi na praksu!

Praksa predstavlja jednostavan vid sticanja neophodnog radnog iskustva i podrazumijeva volonterski tip rada, a izuzetno je značajna za studente koji nikada nisu bili u radnom odnosu.

Ukoliko nemate radno iskustvo vaš Univerzitet vam obezbjeđuje praktičan rad u privredi. Na taj način upoznaćete se sa svakodnevnim radom u poslovnom okruženju i steći ćete osnovno radno iskustvo koje vam može poslužiti kao referenca i tako pomoći u daljem pronalaženju posla.

Praksa traje određen vremenski period u zavisnosti od izabranog poslodavca. Važno je da budete sojesni svoje odgovornosti na praksi, jer praksa je vaš put do ZAPOŠLJAVANJA!



*Nije dovoljno znati, treba
umjeti! Nije dovoljno htjeti,
treba raditi!*

- Gete



Planirajte svoju budućnost!

Izbor pravog posla odnosno profesije ne vezuje se samo za faktore kao što su visina plate i opis radnog mjesta. Posao će vam okupirati veliki dio dana i značajno uticati na sve ostale sfere vašeg života. Zato je veoma važno da već na fakultetu date odgovore na bitna pitanja i steknete osobine koje će vas dovesti do prvog sljedećeg najvažnijeg koraka – ZAPOSŁJAVANJA.

Univerzitet Sinergija koji sprovodi "Strategiju razvoja karijere studenata", pomaže studentima da do diplomiranja imaju jasan plan o tome šta je to što žele od budućnosti. Ovdje predstavljamo samo dio onoga što student Univerziteta Sinergija u toku studija može da stekne.



Na I godini

- Upoznajte se sa mogućnostima koje postoje na univerzitetu.
- Upoznajte se sa akademskim savjetnicima i profesorima.
- Informišite se oko volonterskog rada i prakse.
- Uključite se u neku od studentskih organizacija.
- Učestvujte u radionicama koje će doprinijeti razvoju vaših pozitivnih stavova i vještina.
- Počnite da pravite radnu biografiju - CV.

Na II godini

- Saznajte više o zanimanjima koja vas interesuju, kroz umrežavanje, biblioteke i internet istraživanje.
- Budite aktivni u studentskim organizacijama i klubovima.
- Razmislite o dobijanju vodeće pozicije u svojoj studentskoj organizaciji.
- Prisustvujte „simulaciji intervjua za posao“.
- Prisustvujte sajmovima karijere i upoznajte se sa poslodavcima i svojim karijernim opcijama.
- Razgovarajte sa svojim karijernim savjetnikom, prodekanom ili predmetnim profesorom o karijeri koja vas interesuje.
- Volontirajte kad god možete i gdje god možete, to se zove rad za znanje!

Na III godini

- Obavezno idite na praksu u firmu koja obavlja djelatnost u vašem izabranom polju.
- Nastavite da učestvujete u organizacijama i klubovima i gledajte kako možete da doprinesete njihovom radu.
- Prikupite tri pisma preporuke.
- Razgovarajte sa karijernim savjetnikom ili prodekanima o svojim alternativama.
- Razgovarajte sa zaposlenima na postdiplomskim studijama o svojim opcijama i uradite preliminarna istraživanja o tome.
- Prisustvujte sajmovima karijere.
- Postavite jasne ciljeve u pogledu razvoja svoje karijere i napravite alternativne karijerne planove.
- Ažurirajte svoj CV.
- Prisustvujte „simulaciji intervjua za posao“
- Pošaljite svoj CV na pravi oglas za posao i idite na intervju da vidite kako ćete proći i šta treba da ispravite ili usavršite.
- Idite na studentsku praksu koju organizuje univerzitet.
- Zakažite prvi informativni razgovor.

Na IV godini

- Ažurirajte svoj CV i propratno pismo.
- Prikupite pisma preporuke.
- Aktivno koristite i čitajte sajtove na kojima su dati oglasi za posao i nabavite knjige na tu temu.
- Prisustvujte karijernim sajmovima.
- Fokusirajte se na karijeru koju ste odabrali i krenite u potragu za poslom koji će vas dovesti do nje.
- Idite na praksu koju organizuje univerzitet i dajte sve od sebe da se dobro pokažete.
- Povezujte se, povezujte se, povezujte se!
- Razmislite o postdiplomskim studijama.

Gostujuća predavanja

Bitno je da u toku svojih studija prisustvujete svim gostujućim predavanjima, jer tu možete da dobijete savjete koji mogu da vam pomognu u razvoju vaše buduće karijere.

Na Univerzitet Sinergija dolaze gostujući predavači koji prenose svoja iskustva iz prakse studentima. Pošto su mnogi od njih iz inostranstva, predavanja mogu biti dragocjena jer vam omogućavaju da se upoznate sa primjerima iz prakse drugih zemalja.

Neki od predavača



*Prof. dr Shigeru
Komori sa Fakulteta
za informaci
oni
menadžment, Jobu
Univerziteta iz Japana*



*Marija Desivojević
Cvetković Pomoćnik
generalnog direktora
"Delta Agrara "*



*Miro Smolović
Menadžer, PwC
Training Academy at
PricewaterhouseCoopers*



*Prof. dr Jan Bergsma,
direktor za
naučno-istraživački rad
i nastavu
Breda University of
Applied Sciences
iz Holandije*

Nagrade za studente

Na osnovu Pravilnika o priznanjima Univerziteta, rektor Univerziteta Sinergija prof. dr Milovan Stanišić, na početku svake školske godine, donosi Odluku o dodjeli nagrada studentima integrisanih fakulteta.

Kriterijumi za dodjelu nagrada su:

- *Prosjek 9.75 i više*
- *Godina studija upisana prvi put*
- *Svi ispiti položeni na fakultetima integrisanog Univerziteta*
- *Svi ispiti položeni zaključno sa junsko-julskim ispitnim rokom*



*Tajna uspjeha u životu
leži u spremnosti čovjeka
da sačeka i iskoristi šansu
kada mu se ukaže.*

- Erl od Bekonsfilda

Studentski parlament

Studentski parlament je studentska organizacija koja zajedno sa nastavnicima i svim zaposlenima radi na ostvarenju prava i interesa studenata kao i na unaprijeđenju znanja, vještina i kompetencija.

Važno je da se i sami prijavite za učešće u studentskim aktivnostima, i na taj način postanete aktivni učesnici u svom procesu obrazovanja i razvoja i to na e-mail:

parlament@sinergija.edu.ba

STUDENTSKI PARLAMENT

UNIVERZITETA SINERGIJA

U okviru Studentskog parlamenta razvijene su sljedeće aktivnosti:

SPORT

- želim da nastavim da se aktivno bavim sportom i tokom studija
- želim da predstavljam Univerzitet Sinergija u domaćim i inostranim takmičenjima
- želim da pobjeđujem
- želim da se rekreiram nakon naporene radne nedelje košarka, fudbal, šah, stoni tenis

JA VOLONTER

- želim da pomognem drugima
- želim da budem društveno odgovoran
- želim da kvalitetno provedem svoje slobodno vrijeme
- želim da steknem nova znanja i vještine
- želim da upoznam nove ljude koji su spremni da pomognu drugima

Alumni

Alumni asocijacija Univerziteta Sinergija jeste organizacija koja okuplja sve one koji su diplomirali, magistrirali ili doktorirali na Univerzitetu Sinergija.

Svrha ove asocijacije je povezivanje svih generacija studenata, radi ostvarivanja njihove trajne saradnje i uspostavljanja trajnih veza između alumnija, studenata, nastavnika fakulteta, akademske i šire zajednice.

www.sinergija.edu.ba/alumni



Veliki korak u razvoju je trenutak kada dođete do spoznaje da vam drugi ljudi mogu pomoći da radite bolje nego što biste mogli sami.

Endru Karnegi

UNIVERZITET SINERGIJA
ALUMNI
ASOCIJACIJA

Ciljevi Alumni asocijacije su :

- povezati bivše studente
- kreirati bazu alumnija sa njihovim podacima i napraviti je dostupnom u cilju sklapanja budućih poslovnih veza
- izgradnja i jačanje veza između studenata, alumnija, kadra fakulteta i zajednice
- organizacija događaja, seminara, konferencija u cilju profesionalne i lične nadogradnje alumnija
- jačanje reputacije Univerziteta kroz jačanje reputacije alumnija
- razvijanje saradnje Univerziteta sa preduzećima i institucijama u kojima su angažovani bivši studenti
- učešće u međunarodnoj naučnoj i stručnoj razmjeni i uspostavljanje relacija sa Alumni asocijacijama iz regiona i šire
- unaprijeđenje akademskih vještina prema zahtjevima privrede



Vodič kroz administraciju

Studentska služba

Radno vrijeme **od 08-18 časova** (radnim danom)
od 10-14 časova (subotom)

055/217-100

055/217-101

- pružanje servisnih informacija studentima telefonom i lično
- informacije koje stoje na sajtu Univerziteta, a student nije u mogućnosti da pristupi sajtu
- informacije koje se tiču nastave i nastavnih procesa
- informacije koje se tiču školarina, molbi, odgovora na molbe, i sl.
- prijem kandidata zainteresovanih za upis;
- izdavanje dokumenata na revers, koji su najavljeni prethodnog dana;
- izdavanje uvjerenja o diplomiranju i diploma poslije dodjele
- izdavanje korisničkog imena i lozinke
- prijem molbi
- uplatnice za školarinu
- uplatnice za osiguranje
- zahtjevi za uvjerenja o položenim ispitima isključivo sa indeksom, osim diplomiranih
- izdavanje dokumentacije za odbranu diplomskog
- prijem diplomskih radova
- izdavanje uvjerenja o redovnom studiranju
- ovjera semestra
- davanje informacija u vezi sportskih događaja na Univerzitetu
- reset lozinke



*Za šta god da se osjećate
spremnim, spremno je za vas.*

- Mark Viktor Hansen



Biblioteka

II sprat

Radno vrijeme **od 8-18 časova** (radnim danom)
od 10-14 časova (subotom)

Telefon: **055/217-101**

- Pregled knjiga, diplomskih radova, master i magistarskih radova, doktorskih disertacija kao i drugih radova u naučno-stručnim oblastima
- Iznajmljivanje knjiga radi kopiranja istih uz predaju lične karte (knjigu je neophodno vratiti u roku od 24 časa)
- Pristup kompjuterima i internetu
- Čitaonica

Računovodstvo

I sprat

Radno vrijeme **od 8-16 časova** (radnim danom)

Telefon: **055/219-070**

- Studenti koji vrše uplate kao pravno lice, neophodno je da se obrate računovodstvu (gđa Milka Nenadić)
- Radi dostave potrebnih dokumenata koji su neophodni za izradu profakture i plaćanja na osnovu iste



*Samo oni koji nikada
ne pokušaju, nikada
ne dožive uspjeh.*

- Ilka Čejš

Raje Baničića bb, 76 300 Bijeljina, Bosna i Hercegovina
+387 55 217 100, 217 101
univerzitet@sinergija.edu.ba www.sinergija.edu.ba



Univerzitet
Sinergija

SINERGIJA  **СИНЕРГИЈА**



**ZAJEDNO
DO USPJEHA**